

軍職犯該革去見任遇例減等仍革見任例

成化十九年四月二十七日刑部尚書張 等

題為辯明冤枉事廣東清吏司案呈該本部審發犯人  
魏忠犯該監臨挾勢求索所部內財物者計贓准不  
枉法論各主通等折羊科罪有祿人一百二十貫罪止  
律杖一百流三千里 奏

大誥及遇蒙

恩例通減二等杖九十徒二年半係操軍照例運水和炭完日  
運戕除審外查得見行事例今後戕軍有犯監守常人  
盜受財枉法不滿貫與求索科劓誣騙等項計贓滿  
貫問該流罪減等至杖一百徒三年者運碑等項完日  
還戕帶棒差操不許當軍管事又查得近該會議得凡遇  
恩例減等一應運炭做工擺站的決等項各與

大誥通減二等發落若律應仍盡本法及該充軍為民立功  
調衛等項罪名雖遇例減等仍照律例發遣擬斷今  
魏忠雖犯前罪緣

恩例與

誥命二等止該杖九十徒二年半比之前例減等至杖一百徒三  
年者似有不同未審應否革去見任駁回再行查問  
送審等因到司案查先為前事問得犯人魏忠係東  
滕縣守禦千戶所不合索要軍人許春等銀錢等物  
共該銀六兩二錢事發問擬求索財物罪名遇例減  
等杖九十徒二年半連歲革職具本發審後今奉前  
因查得先該會議事例軍職犯罪遇例減等與

大誥通減二等發落者若律應仍盡本法及例該充軍為民  
立功調衛者仍照律例發遣共廢合革去見任帶俸

差操者例不備載俱止照常例發落如本部四川清吏  
司一起為不應等事問得大寧前衛百戶郭海副千戶李  
貴俱犯該常入盜倉庫錢糧五十五貫律河南清吏司一  
起為分理事問得天津左衛五十戶唐王犯該求索財物  
彈者准枉法論有祿人五十貫律俱遇蒙

恩例通減二等各杖九十徒二年半連歲完日照例還職俱不曾  
革去見任帶俸差操各司依此例問斷者非止一人呈乞定  
奪等因案呈到部參看得前項事例律止載該仍盡本  
法及例該充軍為民立功調衛等項事情頗重者雖遇  
例減等仍依舊發遣如犯該求索詐欺等項徒罪例該還  
磚運炭等項完日革去見任帶俸差操者一時遇蒙

恩例減等因其情犯比之前項例該充軍立功者頗有不同恐問  
斷止照常例還職若執一例革去見任則此等為事軍



我雖罪遇例減等其發落仍拘定例似亦有草

恩典抑且阻其知過修慝之心塞彼向善自新之樂合無將今  
問魏忠所犯前項求索減等徒罪仍照常例發落運炭  
完日還職及今後軍職有犯監守常人盜受財枉法不滿與  
求索科斂詐欺等項黷徒遇例減等至杖九十徒二年半  
俱照例擬斷還職免其革去見任廢得輕重適宜事例歸一  
具題奉

聖旨魏忠運炭完日還職仍照例革去見任今後這等所犯的俱  
依此發落欽此

軍職舍人在任生事者發原籍充當差例

成化十九年十二月十三日禮部等衙門題為建言民情  
事該吏部等衙門听選等官人等嚴清等建言民情  
事件本部會官議得合准所言宜從吏部等衙門查勘  
定奪施行成化十九年十二月十三日早各官奏奉  
聖旨照例欽此

計開

一山東濟南府濱州知州唐福言一件申明禁約舍  
人依尊欺凌卑幼侵欺俸糧等事

朝廷俸糧之設給與官軍養廉而兼贍父母妻子

恩至重也奈何近年以來有等軍官戶內另居伯叔庶長舍人  
有三五七丁者亦有一二十丁者本分生理者少遊  
手好閑者多專一倚侍尊長欺凌卑幼為官將俸